

鷄林拾葉

三

庫	文	閣	內	
三		八		和
三		四		書
函		〇		
七	八	〇		
架	冊	號	類	

庫	文	閣	內	
七		八		和
八		四		書
函		〇		
二	八	〇		
架	冊	號	類	

內閣文庫		
番號	和	18440
冊數	8 (3)	
函號	178	497



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



花迺家文章

後學文章



雞林拾葉卷之三
舒明天皇紀云二年三月丙寅朔高麗大使宴子拔
小使若德百濟大使恩率素子小使德率武德共朝
八月庚子饗高麗百濟客於朝
九月丙寅高麗百濟客歸于國
是歲改修理難波大郡及三韓館
三年三月庚申朔百濟王義慈入王子豐章為質
四年八月大唐遣高表仁送三田耜共泊于對馬是
時學問僧靈雲僧旻及勝鳥養新羅送使等從之

鳥林拾葉卷之三
子真齋藏反

七年六月甲戌百濟遣達率柔等朝貢

七月辛丑饗百濟客於朝

十年百濟新羅任那並朝貢

十一年九月大唐學問僧惠隱惠雲從新羅送使入

京

十一月庚子朔饗新羅客於朝因給冠位一級

十二年十月乙亥大唐學問僧清安學生高向漢人

玄理傳新羅而至之仍百濟新羅朝貢之使共從來

之則各賜爵一級

皇極天皇紀云元年正月乙酉百濟使人大仁阿曇

連比羅夫從筑紫國乘驛馬來言百濟國聞天皇崩

奉遣弔使臣隨弔使共到筑紫而臣望仕於葬故先

獨來也然其國者今大亂矣

二月戊子遣阿曇山背連比良夫草壁吉士磐金倭

漢書直縣百濟弔使所問彼消息弔使報言百濟國

主謂臣言塞上恒作惡之請付還使天朝不許百濟

弔使僊人等言去年十一月大佐平智積卒又百濟

使人擲崑崙使於海裡今年正月國主母薨又弟王

子兒翹岐及其母妹女子四人內佐平岐味有高名

之人卅餘被放於島壬辰高麗使人泊難波津丁未

遣諸大夫於難波郡檢高麗國所貢金銀等并其獻物使人貢獻既訖而詔云去年六月弟王子薨秋九月大臣伊犁柯須彌殺大王并殺伊犁渠世斯等百八十餘人仍以弟王兒為王以己同姓都須流金流為大臣戊申饗高麗百濟客於難波郡詔大臣曰以津守連大海可使於高麗以國勝吉士水雞可使於百濟以草壁吉士真跡可使於新羅以坂本吉士長元可使於任那庚戌召翹岐安置於安曇山背連家辛亥饗高麗百濟客癸丑高麗使人百濟使人並罷歸

三月戊午^{三日}新羅遣賀騰極使與弔喪使庚午^{十五日}新羅使人罷歸

四月癸巳^{八日}大使翹岐將其從者拜朝乙未^{十四日}蘇我大臣於畝傍家喚百濟翹岐等親對語話仍賜良馬一疋

鐵二十挺唯不喚塞上五月己未^{五日}於河內國依網屯倉前召翹岐等令觀射

獵庚午^{十六日}百濟國使船與吉士船俱泊于難波津^{蓋吉士前}奉使於百濟乎壬申^{十八日}百濟使人進調吉士服命乙亥^{廿一日}翹岐從

者一人死去丙子^{廿二日}翹岐兒死去是時翹岐與妻畏忌兒死果不臨喪凡百濟新羅風俗有死已者雖父母

兄弟夫婦妹姊永不自看以此而觀無慈之甚豈別禽獸^{廿四}戊寅翹岐將其妻子移於百濟大井家乃遣人葬兒於石川

七月乙亥饗百濟使人大佐平智積等於朝乃命健兒相撲於翹岐前智積等宴畢而退拜翹岐門

八月己丑^{六日}百濟使參官等罷歸仍賜大船與同船三

艘是日夜半雷鳴西南角而風雨參官等所乘船舶

觸岸而破丙申^{十三日}以小德授百濟質達率長福中客以

下授位一級賜物各有差戊戌^{十五日}以船賜百濟參官等

發遣己亥^{十六日}高麗使人罷歸己酉^{十六日}百濟新羅使人罷歸

十月丁酉^{十五日}新羅弔使船與賀騰極使船泊于壹岐島

二年四月庚子^{十一日}筑紫大宰馳驛奏曰百濟國主兒翹

岐弟王子共調使來

六月辛卯^{十三日}筑紫大宰馳驛奏曰高麗遣使來朝群卿

聞而謂之曰高麗自己亥年不朝而今年朝也辛丑^{十三日}

百濟進調船泊于難波津

十月辛亥^{三日}遣數大夫於難波郡檢百濟國調與獻物

於是大夫問調使曰所進國調欠少前例送大臣物

不改去年所還之色送群卿物亦全不將來背違前

例其狀何也大使達率自斯副使恩率軍善俱答諮

曰即今可備自斯質達率武子之子也
 是歲百濟太子餘豐以蜜蜂房四枚放養於三輪山
 而終不蕃息
 三年大神粟隈君キサイハ私部君使於百濟國也
 四年四月戊戌朔高麗學問僧等言同學鞍作得志
 以虎為友學取其術或使枯山變為青山或使黃地
 變為白水種種奇術不可殫究又虎授其針曰慎矣
 慎矣勿令人知以此治之病無不愈果如所言治無
 不差得志恒以其針隱置柱中於後虎折其柱取針
 走去高麗國知得志欲歸之意與毒殺之

六月甲辰八日中大兄智密謂倉山田麻呂臣曰三韓進調
 之日必將使卿讀唱其表遂陳欲斬入鹿之謀麻呂
 臣奉許焉戊申十二日天皇御大極殿古人大兄侍焉中臣
 鎌子連知蘇我入鹿臣為人多疑晝夜持劍而教俳
 優方便令解入鹿臣笑而解劍入侍于座倉山田麻
 呂臣進而讀唱三韓表文於是中大兄戒衛門府一
 時俱鎖十二通門勿使往來召聚衛門府於一所將
 給祿時中大兄即自執長槍隱於殿側中臣鎌子連
 等持弓矢而為助衛使海犬養連勝麻呂投箱中兩
 劍於佐伯連子麻呂與葛城稚犬養連網田曰努力

努力急須應斬子麻呂等以水送飯恐而反吐中臣
鎌子連噴而使勵倉山田麻呂臣恐唱表文將盡而
子麻呂等不來流汗沃身亂聲動手鞍作臣恠而問
曰何故掉戰山田麻呂對曰恐近天皇不覺流汗中
大兄見子麻呂等畏入鹿威便旋不進曰吐嗟即共
子麻呂等出其不意以劍傷割入鹿頭肩入鹿驚起
子麻呂運手揮劍傷其一脚入鹿轉就御座中天皇
即起入於殿中佐伯連子麻呂稚犬養連網田斬入
鹿臣

日本靈異記曰尺義覺者本百濟人也其國破時

當後岡本宮御宇天皇之代入我聖朝住難波百
濟寺矣法師身長七尺廣學佛教念誦心般若經
時有同寺僧惠義獨以夜半出行因見室中光明
照耀僧乃恠之竊穿牖紙窺看法師端坐誦經光
從口出僧以驚悚明日悔過周告大衆時覺法師
語弟子言吾一夕誦心經一百遍許然後開目觀
其室裡四壁空通庭中顯見吾於是生希有之想
從室而出迴瞻院內還來見室壁戶皆閉即解後
誦心經開見如前即是心般若經不思議也讚曰
大哉尺子多聞弘教閑居誦經心廓融達所現玄

寐焉為動搖室壁開通光明顯耀
 孝德天皇紀云大化元年七月丙子^{十日}高麗百濟新羅
 並遣使進調百濟調使兼領任那使任那調唯百濟
 大使佐平緣福遇病留津館而不入於京巨勢德大
 臣詔於高麗使曰明神御宇日本天皇詔旨天皇所
 遣之使與高麗神子奉遣之使既往短而將來長是
 故可以溫和之心相繼往來而已又詔於百濟使曰
 明神御宇日本天皇詔旨始我遠皇祖之世以百濟
 國為內官家譬如三絞之綱中間以任那國屬賜百
 濟後遣三輪栗隈君東人觀察任那國塚是故百濟

王隨勅悉示其塚而調有闕由是却還其調任那所
 出物者天皇所明覽夫自今以後可具題國與所出
 調汝佐平等不易面來早須明報今重遣三輪君東
 人馬飼造^{文闕}又勅可送遣鬼部達率意斯妻子等
 二年二月戊申^{十五日}高麗百濟任那新羅並遣使貢獻調
 賦
 九月遣小德高向博士黑麻呂於新羅而使貢質遂
 罷任那之調^{黑麻呂吏名玄理}
 三年正月壬寅^{十五日}高麗新羅並遣使貢獻調賦
 是歲新羅遣上臣大阿飡金春秋等送博士小德高

向黑麻呂小山中中臣連押熊來獻孔雀一隻鸚鵡一隻仍以春秋為質春秋美姿顏善談笑四年二月壬子朔遣學問僧於三韓

元亨釋書云三年二月求法比丘入于三韓曷為不入唐而入三韓三韓者我藩也

是歲新羅遣使貢調

五年五月癸卯朔遣小華下三輪君色夫大山上掃部連角麻呂等於新羅

是歲新羅王遣沙唎部沙食金多遂為質從者三十

七人僧一人侍郎二郎丞一人達官郎一人中客五人人才伎十人譯語一人雜僮人十六人并三十

七人也

白雉元年二月戊寅穴戶國司草壁連醜經獻白雉

曰國造首之同族贄正月九日於麻山獲焉於是問

諸百濟君曰後漢明帝永平十一年白雉在所見焉

道登法師曰昔高麗欲營伽藍無地不覽便於一所

白鹿徐行遂於此地營造伽藍曰白鹿園寺住持佛

法甲申朝庭隊杖如元會儀左右大臣百官人等為

四列於紫門外以粟田臣飯虫等四人使執雉輿而

在前去左右大臣乃率百官及百濟君豐璋其弟塞

城忠勝高麗侍醫毛治新羅侍學士等而至中庭使

三國公麻呂猪名公高見三輪君甕穗紀臣乎麻呂
 岐太四人代執雉輿而進殿前時左右大臣就執輿
 前頭伊勢王三國公麻呂倉臣小屎執輿後頭置於
 御座之前天皇即召皇太子智共執而觀
 四月新羅遣使貢調或本云是天皇之世高麗百濟
 新羅三國每年遣使貢獻也
 是歲遣倭漢直縣白髮部連鎧難波吉士胡床於安
 藝國使造百濟船二隻
 二年六月百濟新羅遣使貢調獻物
 是歲新羅貢調使知万沙飡等着唐國服泊于筑紫
 朝廷惡恣移俗訶嘖追還于時巨勢大臣奏請之曰

方今不伐新羅於後必當有悔其伐之狀不須舉力
 自難波津至于筑紫海裡相接浮盈舳艫召新羅問
 其罪者可易得焉
 三年四月新羅百濟遣使貢調獻物
 四年六月百濟新羅遣使貢調獻物
 五年七月丁酉酉西海使吉士長丹等共百濟新羅遣
 使泊于筑紫
 是歲高麗百濟新羅並遣使奉帛
 齊明天皇紀云元年七月己卯於難波朝饗北蝦夷
 九十九人東蝦夷九十五人并設百濟調使一百五

十人

是歲高麗百濟新羅並遣使進調

百濟大使西部達率余宜受副使東

部恩率朝信仁凡一百餘人

新羅別以汲滄彌武為質以十二人

為才伎者彌武遇病而死

二年八月庚子高麗遣達沙等進調

大使達沙副使伊利之總八十

人

九月遣高麗大使膳臣葉積副使坂合部連磐鋏大

判官犬上君白麻呂中判官河內書首

闕名

小判官大

藏衣縫造麻呂

是歲於飛鳥岡本更定宮地時高麗百濟新羅並遣

使進調為張紺幕於此宮地而饗焉西海使佐伯連

拷繩

闕位階級

小山下難波吉士國勝等自百濟還獻鸚

鵠一隻

三年使使於新羅曰欲將沙門智達間人連御厩依

綱連稚子等付汝國使令送到大唐新羅不肯聽送

由是沙門智達等還歸西海使小華下阿曇連頗垂

小山下津臣偃僂

偃僂此云俱豆磨

自百濟還獻駱駝一箇

驢二箇

四年七月沙門智通智達奉勅乘新羅船往大唐國

受無性衆生義於玄奘法師所

是歲出雲國言於北海濱魚死而積厚三尺許其大如鮫雀喙針鱗鱗長數寸俗曰雀入於海化而為魚名曰雀魚或本云至庚申年七月百濟遣使奏言大為虜而去由是新羅并力伐我既以義慈王王后太子西北畔繕修城柵斷塞山川之兆又西海使小花下阿曇連頰垂自百濟還言百濟伐新羅還時馬自行道於寺金堂晝夜勿息唯食草時止或本云至庚申年為敵所滅之應也

五年高麗使人持羆皮一枚稱其價曰綿六十斤市司咲而避去高麗畫師子麻呂設同姓賓於私家日借官羆皮七十枚而為賓席客等羞恠而退

六年正月壬寅朔高麗使人乙相賀取文等一百餘泊于筑紫

五月戊申高麗使人乙相賀取文等到難波館是月舉國百姓無故持兵往還於道國老言百濟國所失之相乎

七月乙卯高麗使人乙相賀取文等罷歸高麗沙門道顯日本世紀曰七月云春秋智借大將軍蘇定方之手使擊百濟亡之或曰百濟自亡由君大夫夫人媛女之無道擅奪國柄誅殺賢良故召斯禍矣可不慎歟可不慎歟其註云新羅春

秋智不得願於內臣蓋金故亦使於唐捨俗衣冠
 請媚於天子投禍於鄰國而構斯意行者也伊吉
 連博德書云庚申歲八月百濟已平之後九月十
 二日放客本國十九日發自西京十月十六日還
 到東京始得相見阿利麻等五人十一月一日為
 將軍蘇定方等所捉百濟王以下太子隆等諸王
 十三人大佐平沙宅千福國弁成以下三十七人
 并五十許人奉進朝堂急引趨向天子天子恩勅
 見前放著十九日賜勞二十四日發自東京
 九月癸卯百濟遣達率名關沙彌覺從等來奏曰或本
逃

來告今年七月新羅恃力作勢不親於隣引構唐人
 傾覆百濟君臣摠俘畧無噍類

或本云今年七月十日大唐蘇定方率船師軍尾
 資之津新羅王春秋智率兵馬軍于怒受利之山
 夾擊百濟相戰三日陷我王城同月十三日始破
 王城怒受利山百濟之東境也

於是西部恩率鬼室福信赫然發憤據任射岐山或本
云北任達率餘自進據中部久麻怒利城或本云都
劔利山各營一所誘聚散卒兵盡前役故以倍戰新羅軍破
 百濟奪其兵既而百濟兵翻銳唐不敢入福信等遂

鳩集同國共保王城國人尊曰佐平福信佐平自進
 唯福進起神武之權興既亡之國十月百濟佐平鬼
 室福信遣佐平貴智等來獻唐俘一百餘人今美濃
 國不破片縣二郡唐人等也又乞師請救并乞王子
 餘豐璋曰或本云佐平貴智達率正珎也唐人率我螯賊來蕩搖我
 疆場覆我社稷俘我君臣百濟王義慈其妻恩古其子隆等其臣王佐平子福
國弁成孫登等凡五十餘秋於七月十三日為蘇而將軍所捉而送去於唐國蓋是無故持兵之徵歟而
 百濟國遙賴天皇護念更鳩集以成邦方今謹願迎
 百濟國遣待天朝王子豐璋將為國主云詔曰乞
 師請救聞之古昔扶危繼絕著自恒典百濟國窮來

歸我以本邦喪亂靡依靡告枕戈嘗膽必存拯救遠
 來表啟志有難奪可分命將軍百道俱前雲會雷動
 俱集沙喙翦其鯨鯢紓彼倒懸宜有司具為與之以
 禮發遣云送王子豐璋及妻子與其叔父忠勝等其正發遣之時見于七年或本云天皇
立豐璋為王立塞上為輔而以禮發遣焉
 十二月庚寅天皇幸于難波宮天皇方隨福信所乞
 之意思幸筑紫將遣救軍而初幸斯倫諸軍器
 是歲欲為百濟將伐新羅乃勅駿河國造船已訖挽
 至續麻郊之時其船夜中無故艫船相友眾知終敗
 科野國言蠅群向西飛踰巨坂大十圍許高至蒼天

或知救軍敗績之恠
 本朝文粹所載三善清行意見云臣去寬平五年
 任備中介彼國下道郡有邇磨鄉爰見彼國風土
 記皇極天皇六年大唐將軍蘇定方率新羅軍伐
 百濟百濟遣使乞救天皇行幸筑紫將出救兵時
 天智天皇為皇太子攝政從行路宿下道郡見一
 鄉戶邑甚盛天皇下詔試徵此鄉軍士即得勝兵
 二萬人天皇大悅名此邑曰二萬鄉後改曰邇磨
 其後天皇崩於筑紫行宮終不遣此軍云々
 七年四月百濟福信遣使上表乞迎其王子紇解

釋道顯日本世紀曰百濟福信獻書祈其君紇解
 於東朝十一月福信所獲唐人續守言等至于筑
 紫或本云辛酉年百濟佐平福信所獻唐俘一百
 六口居于近江國墾田庚申年既言福信獻唐俘
 故今存注其決焉

天智天皇紀齊明天皇七年七月下云是月蘇將軍
 與突厥王子契苾加力等水陸二路至于高麗城下
 八月遣前將軍大花下阿曇比羅夫連小花下河邊
 百枝臣等後將軍大花下阿陪引田比羅夫臣大山
 上物部連熊大山上守君大石等救於百濟仍送兵

仗五穀或本續此末云別使大山下狹井連九月皇

太子御長津宮以織冠授於百濟王子豐璋復以多

臣蔣敷之妹妻之焉乃遣大山下狹井連檳榔小山

下秦造田來津率軍五千餘衛送於本鄉於是豐璋

入國之時福信迎來稽首奉國朝之政皆悉委焉十

二月高麗言惟

十二月於高麗國寒極俱凍故唐軍雲車衝棚鼓鉦

吼然高麗士卒膽勇雄壯故更取唐二壘唯有二塞

亦備夜取之計唐兵抱膝而哭銳鈍力竭而不能拔

噬臍之耻非此而何釋道顯云言春高麗而先聲百秋之志正起于近侵甚苦急故

濟百濟爾也

是歲日本救高麗軍將等泊于百濟加巴利

濱而然火焉灰變為孔有細響如鳴鏑或曰高麗百

濟終亡之徵乎

元年正月丁巳賜百濟佐平鬼室福信矢十萬隻絲

五百斤綿一千斤布一千端韋一千張稻種三千斛

三月癸巳賜百濟王布三百端是月唐人新羅人伐

高麗高麗乞救國家仍遣軍將據疏留城由是唐人

不得略其南界新羅不獲輸其西壘

四月鼠產於馬尾釋道顯占曰北國之人將附南國

蓋高麗破而屬日本乎

五月大將軍大錦中阿曇比邏夫連等率船師一百七十艘送豐璋等百濟國宣勅以豐璋等使繼其位又予金策於福信而撫其背褒賜爵祿于時豐璋等與福信稽首受勅眾為流涕

六月丙戌百濟遣達率萬智等進調獻物

十二月丙戌朔百濟王豐璋其臣佐平福信等與狹井連朴市田來津議曰此州柔者遠隔田畝土地硯确非農桑之地是拒戰之場也此馬久處民可饑饉今可遷於避城避城者西北帶以古連旦涇之水東南據深堊巨堰之坊繚以周田決渠降雨華實之毛

則三韓之上腴焉衣食之源則二儀之隩區矣雖曰地卑豈不遷歟於是朴市田來津獨進而諫曰避城與敵所在之間一夜可行相近茲甚若有不虞其悔難及者矣夫飢者後也亡者先也今敵所以不妄來者州柔設置山險盡為防禦山峻高而谿隘守而攻難之故也若處卑地何以固居而不動搖及今日乎遂不聽諫而都避城

是歲為救百濟修繕兵甲備具船舶儲設軍糧

二年二月丙戌百濟遣達率金受等進調新羅人燒燔百濟南畔四州并取安德等要地於是避城去賊

近故勢不能居乃還居於州柔如田來津之所計
是月佐平福信上送唐俘續守言等

三月遣前將軍上毛野君稚子間人連大蓋中將軍

巨勢神前臣譯語三輪君根麻呂後將軍阿陪引田

臣比邏夫大宅臣鎌柄率二萬七千人打新羅

五月癸丑朔犬上君名關馳告兵事於高麗而還見亂

解於石城亂解仍語福信之罪

六月前將軍上毛野君稚子等取新羅沙鼻岐奴江

二城百濟王豐璋嫌福信有謀反心以革穿掌而縛

時難自決不知所為乃問諸臣曰福信之罪既如此

焉可斬以不於是達率德執得曰此惡逆人不合放

捨福信即唾於執得曰腐狗癡奴王勒健兒斬而醢首

八月甲午新羅以百濟王斬己良將謀直入國先取

州柔於是百濟知賊所計謂諸將曰今聞大日本國

之救將廬原君臣率健兒萬餘正當越海而至願諸

將軍等應預圖之我欲自往侍饗白村戊戌賊將至

於州柔繞其王城大唐軍將率戰船一百七十艘陣

列於白村江戊申日本船師初至者與大唐船師合

戰日本不利而退大唐堅陣而守己酉日本諸將與

百濟王不觀氣象而相謂之曰我等爭先彼應自退

更率日本亂伍中軍之卒進打大唐堅陣之軍大唐
便自左右夾船繞戰須臾之際官軍敗績赴水溺死
者衆艫舳不得迴旋朴市田來津仰天而誓切齒而
嗔殺數十人於焉戰死是時百濟王豐璋與數人乘
船逃去高麗

九月丁巳百濟州柔城始降於唐是時國人相語之
曰州柔降矣事無奈何百濟之名絕于今日丘墓之
所豈能復往但可往於氏禮城會日本軍將等相謀
事機所要遂教本在枕服岐城之妻子等令知去國
之心辛酉發途於年底癸亥至底禮甲戌日本船師

及佐平余自信達率木素貴子谷那晋首憶禮福留

并國民等至於氏禮城明日發船始向日本

三年三月以百濟王善光王等居于難波

五月甲子百濟鎮將劉仁願遣朝散大夫郭務悰等

進表函與獻物

十月戊寅發遣郭務悰等是日勅中臣內臣遣沙門

智祥賜物於郭務悰

是月高麗大臣盖金終於其國遺言於兒等曰汝等

兄弟和如魚水勿爭爵位若不如是必為鄰笑

十二月乙酉郭務悰等罷歸

四年二月勘按百濟國官位階級仍以佐平福信之功授鬼室集斯小錦下復以百濟百姓男女四百餘人居于近江國神前郡

三月給神前郡百濟人田

八月遣達率答炆春築城於長門國遣達率憶禮福

留達率四比福夫筑紫國築大野及椽二城

九月壬辰唐國遣朝散大夫沂洲司馬上柱國劉德

高等等謂右戎衛郎將上柱國百濟將軍朝散大夫

至于對馬九月廿日至于筑紫廿二日進表函焉

十月己酉大閱于菟道

十一月辛巳饗賜劉德高等

十二月辛亥賜物於劉德高等是月劉德高等罷歸

五年正月戊寅高麗遣前部能婁等進調

六月戊戌高麗前部能婁等罷歸

十月己未高麗遣臣乙相奄鄒等進調大使臣乙相奄鄒副使達

相道二位玄武若光等

此冬以百濟男女二千餘人居于東國凡不擇緇素

起癸亥年至于三歲並賜官食

六年二月戊午合葬天豐財重日足姬齊明天皇與間人

皇女於小市岡上陵是日以皇孫太田皇女葬於陵

前之墓高麗百濟新羅皆舉哀於御路
十月高麗大兄男生出城巡國於是城內二弟聞側
助士大夫之惡言拒而勿入由是男生奔入大唐謀
滅其國

十一月乙丑^{九日}百濟鎮將劉仁願遣熊津都督府熊山

縣令上柱國司馬法聰等送大山下境部連石積等

於筑紫都督府己巳^{十三日}司馬法聰等罷歸以小山下伊

吉連博德大乙下笠臣諸石為送使

七年正月戊申^{廿三日}送使博德等服命

四月庚申^{六日}百濟遣未都師父等進調庚午^{十六日}未都師父

等罷歸

七月高麗從越之路遣使進調風浪高故不得歸

九月癸巳^{十日}新羅遣沙喙^{十一日}級^{十二日}飡^{十三日}金東嚴等進調丁未^{十六日}中

臣內臣使沙門法弁秦筆賜新羅上臣大角千庚信

船一隻付東嚴等庚戌^{廿九日}使布勢臣耳麻呂賜新羅王

輸御調船一隻付東嚴等

十月大唐大將軍英公打滅高麗高麗仲牟王初建

國時欲治千歲也母夫人云若善治國可得也但當

有七百年之治也今此國已者當在七百年之末也

十一月辛巳朔賜新羅王絹五十疋綿五百斤韋一

百枚付金東嚴等賜東嚴等物各有差^五乙酉遣小山
 下道守臣麻呂吉士小鮪新羅是日金東嚴等罷歸
 是歲沙門道行盜草薙劍逃向新羅而中路風雨芒
 迷而歸^六大洲軍兵公吐蘇高貴古國於辛壬以數
 熱田緣起曰正二位熱田太神宮者以神劍為主
 本名天藁雲劍後改名草薙劍天命開別天皇七
 年戊辰新羅沙門道行盜此神劍將移本國竊祈
 入于神祠取劍裹袈裟逃去伊勢國一宿之間神
 劍脫袈裟還著本社道行還到練禪禱請又裹袈
 裟逃到攝津國自難波解纜歸國海中失度更亦

漂著難波津乃或人託宣曰吾是熱田劍神也然
 被欺妖僧殆著新羅初裹七條袈裟脫去還社後
 裹九條袈裟甚難解脫于時吏民驚怪東西認
 道行中心作念若棄去此劍則將免捉搦之責乃
 拋棄神劍劍不離身道行術盡力窮拜手自首遂
 當斬刑
 八年九月丁亥^十新羅遣沙唎飢督儒等進調
 是歲以佐平餘自信佐平鬼室集斯等男女七百餘
 人遷居近江國蒲生郡又大唐遣郭務悰等二千餘
 人

十年正月丁未九日高麗遣上部大相可婁等進調十三日辛亥百濟鎮將劉仁願遣李守真等上表

是月以大錦下授佐平余自信沙宅紹明法官大輔以小

錦下授鬼室集斯學職頭以大山下授達率谷那晉首

法開兵木素貴子法開兵憶禮福留法開兵荅焯春初法開兵

焯日比子贊波羅金羅金須藥解鬼室集信藥解以小山

上授達率德頂上藥解吉大尚藥解許率母經明五角福牟

開於陰陽以小山下授餘達率等五十餘人也

二月庚寅百濟遣臺久用善等進調

六月己巳宣百濟三部使人所請軍事十五庚辰百濟遣

昇真子等進調是月新羅遣使進調別獻水牛一頭

山雞一隻

七月丙午唐人李守真等百濟使人等並罷歸

八月丁卯高麗上部大相可婁等罷歸

十月庚午新羅遣沙飡金万物等進調

十一月壬戌賜新羅王絹五十匹純五十匹綿一千

斤韋一百枚

十二月己卯新羅進調使沙飡金万物等罷歸

天武天皇紀云元年三月己酉遣内小七位阿曇連

稻敷於筑紫告天皇喪於郭務棕等於是郭務棕等

咸著喪服三遍舉哀向東稽首壬子郭務悰等再拜
 進書函與信物
 五月壬寅以甲冑弓矢賜郭務悰等是日賜郭務悰
 等物摠合純一千六百七十三匹布二千八百五十
 二端綿六百六十六斤戊午高麗遣前部富加抃等
 進調庚申郭務悰等罷歸
 十一月辛亥饗新羅客金押實等於筑紫即日賜祿
 各有差
 十二月壬申船一隻賜新羅客癸未金押實等罷歸
 二年閏六月庚寅大錦下百濟沙宅昭明卒為人聰

明叡智時稱秀才於是天皇驚之降恩以贈外小紫
 位重賜本國大佐平位己亥新羅遣韓阿飡金承元
 阿飡金祗山大舍霜雪等賀騰極并遣一吉飡金薩
 儒韓奈末金池山等吊先皇喪其送使貴于寶真毛
 送承元薩儒於筑紫戊申饗貴于寶等於筑紫賜祿
 各有差即從筑紫返于國
 八月癸卯高麗遣上部位頭大兄邯子前部大兄碩
 于等朝貢仍新羅遣韓奈末金利益送高麗使人於
 筑紫戊申喚賀騰極使金承元等中客以上二十七
 人於京

九月庚辰^{十六}饗金承元等於難波奏種種樂賜物各有
 差
 十一月壬子朔金承元罷歸之壬申^{十一}饗高麗邯子新
 羅薩儒等於筑紫大郡賜祿各有差
 三年正月庚申^{十日}百濟王昌成薨贈小紫位
 四年正月丙午朔大學寮諸學生陰陽寮外藥寮及
 舍衛女墮羅女百濟王善光新羅仕丁等捧藥及珍
 異等物進
 二月新羅遣王子忠元大監級飡金比蘇大監奈末
 金天冲弟監大麻木武麻弟監大舍金洛水等進調

其送使奈末金風那奈末金孝福送王子忠元於筑
 紫
 三月戊午^{十四}饗金風那等於筑紫即自筑紫歸之是月
 高麗遣大兄富于大兄多武等朝貢新羅遣級飡朴
 勤脩大奈末金美賀進調
 四月新羅王子忠元到難波
 七月己酉^{七日}小錦上大伴連國麻呂為大使小錦下三
 宅吉士入石^{イリシ}為副使遣于新羅
 八月丙申^{十五日}忠元禮畢以歸之自難波發船己亥^{十八}新羅
 高麗二國調使饗於筑紫賜祿有差

五年二月大伴連國麻呂等至自新羅
 十月甲辰^{十日}以大乙上物部連麻呂為大使大乙中山
 背直百足為少使遣於新羅
 十一月丁卯^{三日}新羅遣沙食金清平請政并遣級食金
 好儒弟監大舍金欽吉等進調其送使奈末被珍那
 副使奈末好福送清平等於筑紫是月肅慎七人從
 清平等至之丁亥^{三日}高麗遣大使後部主博阿于副使
 前部大兄德富朝貢仍新羅遣大奈末金楊原送高
 麗使人於筑紫
 六年二月癸巳朔物部連麻呂至自新羅

三月辛巳^{十九日}召新羅使人清平及以下客十三人於京
 四月乙巳^{十四日}送使珍那等饗于筑紫即從筑紫歸之
 五月甲子^{三日}勅大博士百濟人率丹授大山下位因以
 封世戶^{七日}戊辰^日新羅人阿食朴刺破從人三口僧三人
 漂著于血鹿島
 八月丁巳^{廿七日}金清平歸國即漂著朴刺破等付清平等
 返于本土
 七年新羅送使奈末加良井山奈末金紅世到于筑
 紫曰新羅王遣汲食金消勿大奈末金世等貢上
 當年之調仍遣臣井山送消勿等俱逢暴風於海中

以消勿等皆散之不知所如唯井山僅得著岸然消
勿等遂不來矣
八年正月丙戌^日新羅送使加良井山金紅世等向京
二月壬子朔高麗遣上部大相桓欠下部大相師需
婁等朝貢因以新羅遣奈末甘勿那送桓欠等於筑
紫

九月癸巳^{十六}遣新羅使人等返之拜朝庚子^{廿三}遣高麗使
人遣耽羅使人等返之共拜朝廷
十月甲子^{十七}新羅遣阿飡金頂那沙飡薩纍生朝貢也
調物金銀鐵鼎錦絹布皮馬狗騾駱駝之類十餘種

亦別獻物天皇皇后太子貢金銀刀旗之類各有數
九年二月壬申^{廿七}新羅仕丁八人返于本土仍垂恩以
賜祿有差

四月己巳^{廿五}饗新羅使人項那等於筑紫賜祿各有差
五月丁亥^{廿五}高麗遣南部大使卯問西部大兄俊德等
朝貢仍新羅遣大奈末考那送高麗使人卯問等於
筑紫

六月戊申^{五日}新羅客項那等歸國
十一月乙亥^{四日}高麗人十九人返于本土是當後岡本
天皇之喪而弔使留之未還者也乙未^{四日}新羅遣沙飡

金若弼大奈末金原升進調則習言者三人從若弼
至
十年四月乙卯饗高麗客卯問等於筑紫賜祿有差
五月甲午高麗卯問歸之
六月癸卯饗新羅客若弼於筑紫給祿各有差
七月辛未小錦下采女臣竹羅為大使當摩君公楯
為小使遣新羅國是日小錦下佐伯連廣足為大使
小墾田臣麻呂為小使遣高麗國
八月丙子詔三韓諸人曰先日復十年調稅既訖且加
以歸化初年俱來之子孫並課役悉免焉丙戌若弼歸國

九月己亥遣高麗新羅使人等共至之拜朝

十月乙酉新羅遣沙喙一吉食金忠平大奈末金壹
世貢調金銀銅鐵錦絹鹿皮細布之類各有數別獻
天皇皇后太子金錦霞錦幡皮之類各有數是月新
羅使者至而告曰國王薨

十二月甲戌小綿下河邊臣子首遣筑紫饗新羅客
忠平

十一年正月乙巳饗金忠平於筑紫

二月乙亥金忠平歸國

五月戊申遣高麗大使佐伯連廣足小使小墾田臣

麻呂等奉使旨於御所

六月壬戌朔高麗王遣下部助有卦婁毛切大古昂加貢方物則新羅遣大奈末金釋起送高麗使人於筑紫

八月甲子饗高麗客於筑紫

十二年正月乙未奏小墾田舞及高麗百濟新羅三國樂於庭中

七月始至八月旱之百濟僧道藏雩之得雨

十一月丙申新羅遣沙飡金主山大那末金長志進調

十三年二月丙子饗金主山於筑紫

三月乙巳金主山歸國

四月辛未小錦下高向臣麻呂為大使小山下都努臣牛甘為小使遣新羅

五月甲子化來百濟僧尼及俗人男女并廿三人皆

安置于武藏國戊寅三輪引田君難波麻呂為大使桑原連人足為小使遣高麗

十二月癸未大唐學生土師宿祢甥白猪史寶然及百濟役時沒大唐者猪使連子首筑紫三宅連得許

傳新羅至則新羅遣大奈末金物儒送甥等於筑紫

十四年二月庚辰^{四日}大唐人百濟人高麗人并百四十七人賜爵位

三月己未^{十日}饗金物儒於筑紫即從筑紫歸之仍流著新羅人七口附物儒還之

五月辛未^{廿六日}高向朝臣麻呂都努朝臣牛飼等至自新羅乃學問僧觀常雲觀從至之新羅王獻物馬二匹

犬三頭鸚鵡二隻鵲二隻及種種寶物

九月癸亥^{廿日}遣高麗國使人等還之庚午化來高麗人等賜祿有差

十月丙子^{四日}百濟僧常輝封三千戶是僧壽百歲庚辰^{八日}

遣百濟僧法藏優婆塞益田金鍾於美濃令煎白朮因以賜絕綿布

十一月丙寅^{廿四日}法藏法師金鍾獻白朮煎己巳^{廿七日}新羅遣波彌飡金智祥大阿飡金健勳請政仍進調

朱鳥元年正月為饗新羅金智淨遣淨廣肆川內王直廣參大伴宿祢安麻呂直大肆藤原朝臣大島直

廣肆塚部宿祢鮒魚直廣肆穗積朝臣虫麻呂等於筑紫

四月壬午^{十三日}為饗新羅客等運川原寺伎樂於筑紫戊子^{十九日}新羅進調從筑紫貢上細馬一匹騾一頭犬二狗

鏤金器及金銀霞錦綾羅虎豹皮及藥物之類并百餘種亦智祥健勳等別獻物金銀錦霞綾羅金器屏風鞍皮絹布藥物之類各六十餘種別獻皇后皇太子及諸親王等之物各有數
五月戊申侍醫百濟人億人病之臨死則授勤大壹位仍封一百戶戊辰饗金智祥等筑紫賜祿各有差即從筑紫退之

九月丙午^{九日}天皇病遂不差崩于正宮丁卯百濟王良虞代百濟王善光而誅之

持統天皇紀云十月己巳^{二日}皇子大津謀反發覺逮捕

皇子大津并捕為皇子大津所誣誤直廣肆八口朝臣音檀小山下壹伎連博德與大舍人中臣朝臣臣麻呂巨勢朝臣多益須新羅沙門行心及帳内礪杵道作等三十餘人庚午^{三日}賜死皇子大津於譯語田舍時年二十四

懷風藻云大津皇子者淨御原帝之長子也狀貌魁梧器宇俊遠幼年好學博覽而能屬文及壯愛武多力而能擊劔性頗放蕩不抱法度降節禮士由是人多附託時有新羅僧行心解天文卜筮語皇子曰骨法不是人臣之相以此久在下位恐不

全身因進逆謀迷此註誤遂圖不軌嗚呼惜哉
十二月筑紫大宰獻三國高麗百濟新羅百姓男女
并僧尼六十二人

元年正月甲申十九使直廣肆田中朝臣法麻呂與追大
貳守君刈田等使於新羅赴天皇喪

三月己卯十五以投化高麗五十六人居于常陸國賦田
受稟使安生業丙戌以投化新羅人十四人居于下
毛野國賦田受稟使安生業

四月癸卯十日筑紫大宰獻投化新羅僧尼及百姓男女
二十二人居于武藏國賦田受稟使安生業

九月甲申廿三新羅遣王子金霜林級食金薩摹及級食
金仁述大舍蘇陽信等奏請國政且獻調賦學問僧
智隆附而至焉筑紫太宰使告天皇崩於霜林等即
日霜林等皆著喪服東向三拜三發哭焉

十二月庚子十日以直廣參路真人迹見為饗新羅勅使
二年正月壬午廿三以天皇崩奉宣新羅金霜林等金霜
林等乃三發哭

二月辛卯三日太宰獻新羅調賦金銀絹布皮銅鐵之類
十餘物并別所獻佛像種種彩絹鳥馬之類十餘種
及霜林所獻金銀彩色種種珍異之物并八十餘物

己亥^日饗霜林等於筑紫館賜物各有差^{廿九}戊午霜林等罷歸

五月乙丑^日以百濟敬須德那利移甲斐國

七月丙子^日命百濟沙門道藏請雨不崇朝遍雨天下

三年正月辛酉^日新羅使人田中朝臣法麻呂等還自

新羅

四月庚寅^日以投化新羅人居于下毛野壬寅新羅遣

級^{天武}飡金道那等奉吊瀛真人^{天武}天皇喪并上送學問僧

明聰觀智等別獻金銅阿彌陀像金銅觀世音菩薩

像大勢至菩薩像各一軀綵帛錦綾

五月甲戌^日命土師宿祢根麻呂詔新羅吊使級飡金

道那等曰太政官卿等奉勅奉宣二年遣田中朝臣

法麻呂等相告大行^{天武}天皇喪時新羅言新羅奉勅人

者元來用蘇判位今將復爾由是法麻呂等不得奉

宣赴告之詔若言前事者在昔難波宮治天下^{孝德}天皇

崩時遣巨勢稻持等告喪之日翳飡金春秋奉勅而

言用蘇判^智奉勅即違前事也又於近江宮治天下^天天

皇崩時遣一吉飡金薩儒等奉吊而今以級飡奉吊

亦違前事又新羅元來奏云我國自日本遠皇祖代

並舳不干檝奉仕之國而今一艘亦乖故典也又奏

云自日本遠皇祖代以清白心仕奉而不惟竭忠宣揚本職而傷清白詐求幸媚是故調賦與別獻並封以還之然自我國家遠皇祖代廣慈汝等之德不可絕之故彌勤彌謹戰戰兢兢修其職任奉遵法度者天朝復益廣慈耳汝道那等奉斯所勅奉宣汝王六月辛丑廿日詔筑紫大宰栗田真人朝臣等賜學問僧明聰觀智等為送新羅師友綿各一百四十斤乙巳廿四日於筑紫小郡設新羅吊使金道那等賜物各有差七月壬子朔新羅吊使金道那等罷歸四年二月戊午十日新羅沙門詮吉級喰北助智等五十

人歸化壬申十五日以歸化新羅韓奈末許漏等十二人居

于武藏國

五月乙酉十日百濟男女廿一人歸化

八月乙卯十一日以歸化新羅人等居于下毛野國

九月丁酉廿三日大唐學問僧智宗義德淨願軍丁筑紫國

上陽畔郡大伴部博麻從新羅送使大奈末金高訓

等還至筑紫

十月戊午十五日遣使者詔筑紫大宰河內王等曰饗新羅

送使大奈末金高訓等准上送學生土師宿祢甥等

送使之例其慰勞賜物一依詔書乙丑廿五日詔軍丁筑紫

國上陽咩郡人大伴部博麻呂曰於天豐財重日足
 姬齊明天皇七年救百濟之役汝為唐軍見虜泊天命開
 別天智天皇三年土師連富杼水連老筑紫君薩夜麻呂
 削連元實兒四人思欲奏聞唐人所計緣無衣糧憂
 不能達於是博麻呂謂土師富杼等曰我欲共汝還
 向本朝緣無衣糧俱不能去願賣我身以充衣食富
 杼等任博麻呂計得通天朝汝獨淹滯他界於今三
 十年矣朕嘉厥尊朝愛國賣己顯忠故賜務大肆并
 絕五匹綿一十屯布三十端稻一千束水田四町其
 水田及至曾孫也免三族課役以顯其功

十一月庚辰賞賜送使金高訓等各有差
 十二月乙巳送使金高訓等罷歸
 五年五月辛卯褒美百濟淳武微子壬申年功賜直
 大參仍賜純布
 九月壬申賜音博士大唐續守言薩弘恪書博士百
 濟末士善信銀各二十兩
 六年十月壬申授山田史御形務廣肆前為沙門學
 問新羅
 十一月戊戌新羅遣級倉朴億德金深薩等進調賜
 擬遣新羅使直廣肆息長真人老務大貳川內忌寸

連等祿各有差。辛丑。饗祿新羅朴億德於難波館。十二月甲申。遣大夫等奉新羅調於五社。伊勢住吉。紀伊。大倭。菟名足。

七年正月乙巳。以直廣參贈百濟王善光。并賜賻物。

二月壬戌。新羅遣沙飡金江南。韓奈麻。金陽元等來。

赴王喪。己丑。以流來新羅人牟自毛禮等三十七人。

付賜憶德等。

三月乙巳。賜擬遣新羅使直廣肆息長真人老。勤大。

貳大伴宿祢子君等。及學問僧弁通神。叡等。絕綿布。

各有差。又賜新羅王賻物。

六月己未。朔詔高麗沙門福嘉還俗。

九年三月己酉。新羅遣王子金良琳。補命薩飡朴強。

國等及韓奈麻。金周漢。金忠仙等。奏請國政。且進調。

獻物。

七月辛未。賜擬遣新羅使直廣肆。小野朝臣毛野務。

大肆伊吉連博德等物。各有差。

九月庚戌。小野朝臣毛野等發向新羅。

十年正月甲寅。以直大肆授百濟王南典。

續日本紀文武天皇紀云。元年十月辛卯。新羅使一。

吉飡金弼德副使奈麻金任想等來朝。

十一月癸卯遣務廣肆坂本朝臣鹿田進大壹大倭
忌寸五百足於陸路務廣肆土師宿祢大麻呂進廣
參習宜連諸國於海路以迎新羅使于筑紫

二年正月壬戌朔天皇御大極殿受朝文武百寮及
新羅朝貢使拜賀其儀如常甲子新羅使一吉飡金
弼德等貢調物戊寅供新羅貢物於諸社庚辰遣直
廣參土師宿祢馬牛獻新羅貢物于大内山陵

二月甲午金弼德等還蕃
四年五月辛酉以直廣肆佐伯宿祢麻呂為遣新羅
大使勤大肆佐味朝臣賀佐麻呂為小使大少位各

一人大少史各一人

十月癸亥直廣肆佐伯宿祢麻呂等至自新羅獻孔
雀及珍物

十一月壬午新羅使薩飡金所毛來赴母王之喪
大寶元年正月戊子新羅大使薩飡金所毛卒賻絕
一百五十匹綿九百三十二斤布一百段小使級飡
金順慶及水手已上賜祿有差

三年正月辛未新羅國遣薩韓金福護級韓金孝元
等來赴國王喪

四月乙未從五位下高麗若光賜王姓

閏四月辛酉朔饗新羅客于難波館詔曰新羅國使
薩飡金福護表云宣君不幸自去秋疾以今春薨永
辭聖朝朕思其蕃君雖居異域至於覆育允同愛子
雖壽命有終人倫大期而自聞此言哀感已甚可差
使發遣弔賻其福護等遙涉蒼波能遂使旨朕矜其
辛勤宜賜以布帛

五月壬辰金福護等還蕃癸巳流來新羅人付福護
等還本鄉

九月庚戌以從五位下波多朝臣廣足為遣新羅大使
十月癸未天皇御小安殿詔賜遣新羅使波多朝臣

廣足額田人足各衾一領衣一襲又賜新羅王錦二
匹純四十匹

慶雲元年八月丙辰遣新羅使從五位上波多朝臣
廣足等至自新羅

十月辛酉正六位上幡文通為遣新羅大使
二年五月癸卯幡文造通等至自新羅

十月丙子新羅貢調使一吉飡金儒吉等來獻
十一月己丑徵發諸國騎兵為迎新羅使也以正五

位上紀朝臣古麻呂為騎兵大將軍
十二月癸酉新羅使金儒吉等入京

三年正月丙子朔天皇御太極殿受朝新羅使金儒
吉等在列朝庭儀衛有異於常己卯新羅使貢調壬
午饗金儒吉等于朝堂奏諸方樂于庭叙位賜祿各
有差丁亥金儒吉等還蕃賜其王勅書曰天皇敬問
新羅王使人一吉飡金儒吉薩飡金今古等至所獻
調物並具之王有國以還多歷年歲所貢無虧行李
相屬款誠既著嘉尚無已春首猶寒比無恙也國境
之內當並平安使人今還指宣往意并寄王物如別
閏正月戊午奉新羅調於伊勢神宮及七道諸社
八月壬辰以從五位下美努連淨麻呂為遣新羅大

使大德金計高等貢大德金計高等貢大德金計高等貢
十一月癸卯賜新羅王勅書曰天皇敬問新羅國王
朕以虛薄謬承景運慚無練石之才徒奉握鏡之任
日盱忘飡翼翼之懷愈積宵分輟寢業業之想彌深
冀覃覆載之仁遐被寰區之表况王世居國境撫寧
人民深秉並舟之至誠長脩朝貢之厚禮庶磐石開
基騰茂響於麴岫維城作固振芳規於雁池國內安
樂風俗淳化寒氣嚴切比如何也今故遣大使從五
位下美努連淨麻呂副使從六位下對馬連堅石等
指宣往意更不多及

四年五月癸亥六讚岐國那賀郡錦部刀良陸與國信
 太郡生王五百足筑後國山門郡許勢部形見等各
 賜衣一襲及鹽穀初天智二年救百濟也官軍不利刀良等被
 唐兵虜沒作官戶歷四十餘年乃免刀良至是遇我
 使粟田朝臣真人等隨而歸朝憐此勤苦有此賜也
 乙丑八從五位下美努連淨麻呂及學問僧義法義基
 惣集慈定淨達等至自新羅公卿等
 和銅二年三月辛未十四取海陸兩道喚新羅使金信福
 等二月等
 五月乙亥廿日新羅使金信福等貢方物壬午廿七宴金信福

等於朝堂賜祿各有差并賜國王絹二十匹美濃純
 三十匹絲二百約綿一百五十屯是日右大臣藤原
 朝臣不比等引新羅使於辨官廳內語曰新羅國使
 自古入朝怨未曾與執政大臣談話而今日披晤者
 欲結二國之好成往來之親也使人等即避座而拜
 復坐而對曰使等本國卑下之人也然受王臣教得
 入聖朝適從下風幸甚難言况引升榻上親對威顏
 仰承恩教伏深欣懼
 六月丙戌金信福等還國
 四年十二月壬子十一從五位下狗朝臣秋麻呂言本姓

是阿倍也但當石村池邊宮御宇聖朝秋麻呂二世祖比等古臣使高麗國因即號狛實非真姓請復本姓許之

五年九月乙酉^{十九}以從五位下道君首名為遣新羅大使

十月甲子^{廿八}遣新羅使等辭見

六年八月辛丑^{十日}從五位下道公首名至自新羅

七年十一月乙未^{十一}遣新羅國遣重河飡金元靜等二十

餘人朝貢差發畿內七道騎兵合九百九十為擬入

朝儀衛也己亥^{十五}遣使迎新羅使於筑紫

十二月己卯^{廿六}新羅使入京遣從六位下布勢朝臣人

正七位上大野朝臣東人率騎兵一百七十迎於三

椅

靈龜元年正月己亥^{十六}宴百寮主典以上并新羅使金

元靜等于中門奏諸方樂宴訖賜祿有差庚子^{十七}賜大

射于南闈新羅使亦在射列賜綿各有差

三月甲辰^{廿三}金元靜等還蕃勅大宰府賜綿五千四百

五十斤船一艘

七月丙午^{廿七}尾張國人外從八位上席田君迹近及新

羅人七十四家貫于美濃國始建席田郡焉

二年五月辛卯^{十六}以駿河甲斐相模上總下總常陸下野七國高麗人千七百九十九人遷于武藏國置高麗郡焉

六月辛亥^{十七}正七位上馬史伊麻呂等獻新羅國紫驃馬二匹高五尺按日本紀畧作五尺五寸

養老元年十一月甲辰高麗百濟二國士卒遭本國亂投於聖化朝廷憐其絕域給復終身

二年三月乙卯^廿以少納言正五位下小野朝臣馬養為遣新羅大使

五月丙辰^{廿三}遣新羅使等辭見

三年二月己巳^{十日}遣新羅使從五位下小野朝臣馬養等來歸

五月乙未^{七日}新羅貢調使級食金長言等四十人來朝

閏七月癸亥^{七日}新羅使人等獻調物并驛馬牝牡各一疋丁卯^{十一}賜宴於金長言等賜國王及長言等祿有差各是日以大外記從六位下白猪史廣成為遣新羅使

癸酉^{十七}金長元等還蕃
八月癸巳^{八日}遣新羅使白猪廣成等拜辭

五年十二月辛丑^{十七}新羅貢調使大使一吉食金乾安副使薩金食金弼等來朝於筑紫緣太上天皇登遐

從太宰放還
 六年五月己卯^十以式部大錄正七位下津史^不主治麻呂^子為遣新羅使戊戌^九遣新羅使津史主治麻呂等拜朝
 十二月庚申^三遣新羅使津史主治麻呂等還歸
 七年八月庚子^八新羅使朝奈麻金奧宿副使韓奈麻昔楊節等一十五人來貢辛丑^九宴金貞宿等於朝堂賜射并奏諸方樂丁巳^五新羅使歸蕃
 神龜元年七月丁未^一以從五位上土師宿祢豐麻呂為新羅大使

二年五月甲辰^二遣新羅使土師宿祢豐麻呂等還歸
 六月丁巳^六和德史龍麻呂等三十八人賜姓大縣史新撰姓氏錄云右京諸蕃大縣史百濟國人和德之後也
 三年五月辛丑^四新羅使薩食金造近等來朝
 六月辛亥^五天皇臨軒新羅使貢調物壬子^六宴金造近等於朝堂賜祿有差
 七月戊子^{十三}令奏勳等歸國賜璽書曰勅伊食金順貞汝卿安撫彼境忠事我朝貢調使薩食金奏勳等奏稱順貞以去年六月三十日卒哀哉賢臣守國為朕

股肱今也則亡殲我吉士故贈賻物黃純一百疋綿
 百屯不遺爾績式獎遊魂
 四年九月庚寅渤海郡使首領高齊德等八人來著
 出羽國遣使存問兼賜時服
 十二月丁亥渤海郡王使高齊德等八人入京丙申^{廿九}
 遣使賜高齊德等衣服冠履渤海郡者舊高麗國也
 淡海朝廷七年冬十月唐將李勣伐滅高麗其後朝
 貢久絕矣至是渤海郡王遣寧遠將軍高仁義等二
 十四人朝聘而著蝦夷境仁義以下十六人並被殺
 害首領齊德等八人僅免死而來

類聚國史云天命開別天皇^{天智}七年高麗王高氏為
 唐所滅也後以天之真宗豐祖父天皇^{文武}二年大祚
 榮始建渤海國和銅六年受唐冊立其國延袤二
 千里無州縣館驛處處有村里皆靺鞨部落其百
 姓者靺鞨多土人少皆以土人為村長大村曰都
 督次日刺史其下百姓皆曰首領土地極寒不宜
 水田俗頗知書自高氏以來朝貢不絕^{按大祚榮}
 敦鄰好以來朝貢連綿不絕^{建渤海國}
 丹伐滅渤海扶餘城以為東丹府之後朝貢遂絕
 天平四年正月甲子以從五位下解朝臣家主為遣
 新羅使丙寅新羅使來朝

二月庚子遣新羅使拜朝

三月戊申召新羅使韓奈麻金長孫等於太宰府

五月壬子新羅使金長孫等四十人入京庚申金朝

孫等拜朝進種種財物并鸚鵡一口鴿鴿一口蜀狗

一口獵狗一口驢二頭騾二頭仍奏請來朝年期壬

戌饗金長孫等於朝堂詔來朝之期許以三年一度

宴訖賜新羅王并使人等祿各有差

六月丁酉新羅使還蕃

八月辛巳遣新羅使從五位下角朝臣家主等還歸

五年六月丁酉武藏國埴玉郡新羅人德師等男女

五十三人依請為金姓

六年十二月癸巳大宰府奏新羅貢調使級伐食金

相貞等來泊

七年二月癸卯新羅使金相貞入京癸丑遣中納言

正三位多治比真人縣守於兵部曹司問新羅使入

朝之旨而新羅國輒改本號曰王城國因茲返却其使

八年二月戊寅以從五位下阿倍朝臣繼麻呂為遣

新羅大使

四月丙寅遣新羅使阿倍朝臣繼麻呂等拜朝

九年正月辛丑遣新羅使大判官從六位上壬生使

主宇太麻呂少判官正七位上大藏忌寸麻呂等入京大使從五位下阿部朝臣繼麻呂泊津島卒副使從六位下大伴宿祢三中染病不得入京

二月己未遣新羅使奏新羅國失常禮不受使旨於是召五位已上并六位已下官人惣四十五人于内裡令陳意見丙寅諸司奏意見表或言遣使問其由或言發兵加征伐

三月壬寅遣新羅使副使正六位上大伴宿祢三中等四十人拜

四月乙巳朔遣使於伊勢神宮大神社筑紫住吉八

幡二社及香椎宮奉幣以告新羅無禮之狀

十年正月大宰府奏新羅使級喰金想純等一百四

十七人來朝

六月辛酉遣使大宰賜饗於新羅使金想純等使即

放還

十二年正月戊子朔天皇御大極殿受朝賀渤海郡

使新羅學語等同亦在列

三月辛丑十五以外從五位下紀朝臣必登為遣新羅大

使二日四月戊午遣新羅使等拜辭

九月乙巳^{廿一}勅大將軍大野朝臣東人等曰得奏狀知遣新羅使船來泊長門其船上物者便藏當國使中有人採用者將軍宜任用之隱山必登高臺待羅大十月戊辰^{十五}遣新羅國使外從五位下紀朝臣必登等還歸十五日及十七日天皇降大詔賜與羅使十四年二月戊寅^{三日}大宰府言新羅使沙喰金欽英等一百八十七人來朝庚辰^{五日}詔以新京創宮室未成便令右大弁紀朝臣飯麻呂等饗金欽英等於大宰自彼放還凡六人十五年三月乙巳^{六日}筑前國司言新羅使薩喰金序貞

等來朝於是遣從五位下多治比真人土作外從五位下葛井連廣成於筑前檢校供客之事四月甲午^{廿五日}檢校新羅客使多治比真人土作等言新羅使調改稱土毛書奧注物數稽之舊例大失常禮太政官處分宜召水手已上告以失禮之狀便即放却

雞林拾葉卷之三

雖於卷之... 奚叔於音考三... 四十六...
 十... 成... 廣... 德... 王... 位... 下... 紀... 朝... 臣... 也... 登... 年...
 時...
 夫... 心... 身... 意... 不... 宜... 否... 水... 牛... 西... 主... 奇... 異... 夫... 跡... 交... 遊... 歎... 明... 結...
 罪... 對... 臨... 於... 耐... 正... 武... 善... 奧... 載... 此... 地... 諸... 之... 齋... 阿... 太... 夫... 敬... 謹...
 四... 月... 甲... 子... 餘... 郊... 諸... 禮... 容... 郊... 之... 祭... 以... 真... 人... 主... 於... 祭... 言... 滿...
 郊... 不... 喜... 拜... 聖... 黃... 瓜... 於... 莊... 宿... 餘... 郊... 郊... 容... 之... 事...
 事... 未... 陳... 於... 吳... 聖... 郊... 郊... 不... 之... 郊... 郊... 真... 人... 主... 於... 祭... 言... 滿...

